

ZLATKO MILETIĆ
Dom naroda Parlamentarne skupštine BiH
Klub Hrvata

Sarajevo, 10.12.2019. godine

PARLAMENTARNA SKUPŠTINA BIH
DOM NARODA
n/r: g. Dragan Čović, predsjedatelj

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09-12-2019

Organizaciona jedinica	Klasifikaciona oznaka	Redni broj	Broj priloga
02	-50-6	+2123	/19

PREDMET: INICIJATIVA

Cijenjeni,

U skladu sa članom 9. i 154. Poslovnika o radu Doma naroda Parlamentarne skupštine Bosne i Hercegovine podnosim inicijativu prema Vijeću ministara Bosne i Hercegovine – Ministarstvu civilnih poslova da hitno izdvoje finansijska sredstva za rješavanje statusa i problema funkcioniranja Srednje medicinske škole Katoličkog školskog centra „Ivan Pavao II“ – Bihać.

Obrazloženje:


Podnosim inicijativu prema Vijeću ministara Bosne i Hercegovine i Ministarstvu civilnih poslova da u skladu sa Člana 28. Stav 1.3 Zakona o Vijeću ministara Bosne i Hercegovine i Članom 15. Zakona o ministarstvima i drugim organima uprave Bosne i Hercegovine iznađe način kako bi se riješio status Srednje medicinske škole Katoličkog školskog centra „Ivan Pavao II“ – Bihać i osigurala finansijska sredstva interventno u iznosu od 140 083 KM (po mogućnosti iz budžetskih rezervi) koja su potrebna za rad ove ustanove do kraja kalendarske 2019. godine, te da u suradnji sa nadležnim ministarstvom i Vladom Unsko-sanskog kantona osiguraju iznos za funkcioniranje škole 221 228 KM do kraja školske 2019/20 godine (ukupan iznos 361 311 KM).

Također, potrebno je da Ministarstvo civilnih poslova Bosne i Hercegovine u suradnji sa Vladom Unsko-sanskog kantona pronađe sistemsko rješenje problema Srednje medicinske škole Katoličkog školskog centra „Ivan Pavao II“ – Bihać na način proglašenja ustanove školom od općeg društvenog interesa, kako 161 (Stotinu šezdeset i jedan) učenik ne bi ostao bez adekvatnog obrazovanja, te tražim da me Vlada Unsko-sanskog kantona u suradnji sa Ministarstvom civilnih poslova BiH izvjesti o preduzetim mjerama i radnjama na rješavanju ovog pitanja.


U prilogu inicijative dostavljam akt – Zamolbu Srednje medicinske škole Katoličkog školskog centra „Ivan Pavao II“ – Bihać, broj: 826/19 od 09.12.2019. godine, Rješenje o ispunjenju uvjeta za uvođenje zanimanja, broj: 10-38-5982-4/13 od 01.07.2013. godine, kao i tabelarni prikaz potrebnih sredstava za funkcioniranje ove ustanove.

S poštovanjem,

ZLATKO MILETIĆ



SUSTAV KATOLIČKIH „ŠKOLA ZA EUROPU“
Katolički školski centar „IVAN PAVAO II“
Škola za Europu-Srednja medicinska škola Bihać
Ceravci bb. 77 000 Bihać
Tel/fax: +387 37 350 850 : 350 006
Email: tajnistvo.kscbihac@gmail.com
www.ksc-bihac.net



Broj: 826 /19

Bihać, 9.12.2019.

PREDMET: Zamolba za pomoć prilikom rješavanja statusa Srednje medicinske škole Katoličkog školskog centra „Ivan Pavao II“ – Bihać

Poštovani,

ovom prilikom Vam se obraćam za pomoć prilikom rješavanja statusa i problema Srednje medicinske škole Katoličkog školskog centra „Ivan Pavao II“ u Bihaću.

Naime, Srednja medicinska škola osnovana je odlukom Banjalučke biskupije, kao pravnog lica, zastupana biskupom banjalučkim dr. Franjom Komaricom, te rješenjem Ministarstva obrazovanja, nauke, kulture i sporta Unsko - sanske županije o ispunjavanju uvjeta za rad iste. Škola je počela s radom 2013. godine upisom dva odjela učenika sa zanimanjem medicinska sestra-tehničar.

Kantonalno ministarstvo obrazovanja, nauke, kulture i sporta Unsko – sanske županije je svojim rješenjem br. 10-38-5982-4/13 od 1.7.2013. godine potvrdilo da škola ispunjava sve uvjete propisane zakonom za izvođenje nastavnog procesa kao što su stručni kadar, nastavna sredstva, kabineti za praktičnu nastavu i ostala neophodna nastavna sredstva i pomagala. Također, ovim rješenjem škola je dobila saglasnost za obavljanje praktične nastave u Kantonalnoj bolnici „dr. Irfan Ljubijankić“ u Bihaću a koji je reguliran sklopljenim ugovorom između Katoličkog školskog centra „Ivan Pavao II“ i Kantonalna bolnica „dr. Irfan Ljubijankić“ u Bihaću.

SUSTAV KATOLIČKIH „ŠKOLA ZA EUROPU“

Katolički školski centar „IVAN PAVAO II“

Škola za Europu-Srednja medicinska škola Bihać

Ceravci bb. 77 000 Bihać

Tel/fax: +387 37 350 850 : 350 006

Email: tajnistvo.kscbihac@gmail.com

www.ksc-bihac.net



U rješenju od 1.7.2013. godine kojeg Vam dostavljam u prilogu decidno se navodi da će ova škola biti planirana proračunom Vlade Unsko-sanske županije. Od tada (školska 2013./2014.) pa do 2016./2017. škola je bila redovito financirana iz proračuna Unsko-sanske županije da bi od 2016. godine u potpunosti bila obustavljena daljnja isplata za potrebe Srednje medicinske škole. Treba naglasiti da su u ovom spomenutom razdoblju iz Kantonalnog proračuna isplaćivane samo obveze prema djelatnicima dok su financijski izdaci za materijalno-tehničko djelovanje škole u potpunosti bili na teretu Osnivača. Iako je Osnivač postupio prema svim uputama i brojnim dogovorima s Vladom Unsko – sanske županije i resornim Ministarstvom Srednja medicinska škola nije više nikad uključena u financiranje iz proračuna USŽ-e. Zbog svega toga škola se već nekoliko godina nalazi u bezizlaznoj situaciji unatoč svim obećanjima resornog Ministarstva i drugih relevantnih institucija Unsko – sanske županije.

Zbog svega navedenog Osnivač je prinuđen da osigura neophodna financijska sredstva za isplatu plaća djelatnika što isti ne može sam osigurati jer se radi o vjerskoj instituciji.

Osnivač i Uprava škole su u proteklom razdoblju održali veliki broj sastanaka sa svim relevantnim političkim predstavnicima koji obnašaju vlast ili oporbu u Vladi USŽ-e ali nažalost bez ikakvog konkretnog rješenja. Na kraju, bili smo prinuđeni da zajedno sa učenicima i njihovim roditeljima organiziramo i mirni prosvjed kako bi skrenuli pozornost na ovaj gorući problem i mogućnost koja je izvjesna da se Katolički školski centar u Bihaću zatvori nakon 13 godina uspješnog rada i djelovanja sa vrlo velikim rezultatima koji je postigao u odgojno-obrazovnom procesu.

Kada su u pitanju neophodna financijska sredstva za rad naše škole želimo Vas izvjestiti o potrebnim iznosima. Za plaće i tople obroke, za ukupno 16 zaposlenih djelatnika na mjesečnoj razini potrebno je cca. 24 000 KM. Za vanjske suradnike, konkretno liječnike, na mjesečnoj razini potrebno je cca. 3 000 KM, te za materijalno – tehničke potrebne škole (održavanje higijene, režije, nabavka ogrijeva i dr.) na mjesečnoj razini potrebno je 3 500 KM.

SUSTAV KATOLIČKIH „ŠKOLA ZA EUROPU“

Katolički školski centar „IVAN PAVAO II“


Škola za Europu-Srednja medicinska škola Bihać

Ceravci bb. 77 000 Bihać

Tel/fax: +387 37 350 850 : 350 006

Email: tajnistvo.kscbihac@gmail.com

www.ksc-bihac.net



Kako mi djelatnici, ali i učenici i roditelji Srednje medicinske škole KŠC-a „Ivan Pavao II“ nemamo više načina ni snage da se izborimo za svoje dostojanstvo i za zakonom utvrđena prava, upućujemo zamolbu Vama, da nam pomognete kako bi omogućili našoj školi normalan rad i djelovanje.

S poštovanjem,

Vedran Mihić, prof
direktor SMS-e KŠC-a

Dostavljeno:

- g. Zlatko Miletić, izaslanik Doma naroda Parlamentarne skupštine BiH

- a/a



Na osnovu člana 34. Zakona o srednjem obrazovanju ("Službeni glasnik USK", broj:17/12 Ministar Ministarstva obrazovanja, nauke, kulture i sporta Unsko-sanskog kantona donosi:

RJEŠENJE

o ispunjenju uvjeta za uvođenje zanimanja medicinska sestra-tehničar u okviru Katoličkog školskog centra "Ivan Pavao II" Škole za Europu u Bihaću

Obrazloženje:

KŠC "Ivan Pavao II" Škole za Europu u Bihaću podnio je ovom Ministarstvu Elaborat o društveno-ekonomskoj opravdanosti uvođenja zanimanja medicinska sestra-tehničar u okviru KŠC "Ivan Pavao II" Škole za Europu u Bihaću

U pogledu stručnog kadra, nastavnih sredstava i kabineta za praktičnu nastavu, škola posjeduje osnovnu opremu i nastavna sredstva, ali u narednoj školskoj godini dužna je opremiti kabinet za izvođenje praktične nastave dodatnom opremom. Nastavni predmeti će u potpunosti biti pokriveni postojećim kadrom uz angažman spoljnjih suradnika. Škola je dobila saglasnost za obavljanje praktične nastave od strane KBC "Dr Irfan Ljubijankić" u Bihaću ali je potrebno da sklopi ugovor o međusobnoj saradnji. Članom 39. stav (3) Zakona o srednjem obrazovanju ("Službeni glasnik USK", br:17/12) obavezna je upotreba nastavnih planova i programa razvijenih po modularnoj metodologiji, i škola ih je u obavezi uvesti i izvoditi nastavu po ovoj metodologiji.

Komisija se složila sa zahtjevom za uvođenjem zanimanja medicinska sestra-tehničar. Sa ovim zapisnikom direktor/ravnatelj treba upoznati osnivača, kako bi se u planiranju budžeta prioritarno osigurala sredstva za unaprjeđenje nastave.

Na osnovu utvrđenog činjeničnog stanja odlučeno je kao u dispozitivu Rješenja.

Na ovo Rješenje može se uložiti žalba Ministarstvu obrazovanja, nauke, kulture i sporta Unsko-sanskog kantona.



MINISTAR
za *Brjanić*
Dario Jurčić, prof.

Broj:10-38-5982-4/13
Bihać, 01.07.2013.godine



Broj: 829 /19

Bihać, 9.12.2019.

PREDMET: Projekcija potrebnih finansijskih sredstava za školsku 2019./2020. godinu uključujući kolovoz 2018./2019. školske godine

Mjesec	Plaće u KM	Topli obroci u KM	Kantonalna bolnica u KM	Vanjski suradnici – lječnici u KM	Materijalno – tehnički troškovi u KM
Kolovoz	20 585	1 180	-	-	1 500
Rujan	19 345	2 120	1 000	2 800	2 500
Listopad	21 103	2 622	1 000	2 800	2 500
Studeni	21 103	2 622	1 000	2 800	2 500
Prosinac	21 103	2 000	1 000	2 400	2 500
Siječanj	21 103	2 000	1 000	2 400	2 000
Veljača	21 103	2 622	1 000	2 800	2 500
Ožujak	21 103	2 622	1 000	2 800	2 500
Travanj	21 103	2 622	1 000	2 800	2 500
Svibanj	21 103	2 622	1 000	2 800	2 500
Lipanj	21 103	2 622	1 000	2 400	1 500
Srpanj	19 000	1 500	-	-	1 500




Kolovoz	19 000	1 500	-	-	1 500
Ukupno	267 857	28 654	10 000	26 800	28 000

Ukupno potrebno sredstava na polugodišnjoj razini za mjeseci kolovoz, rujan, listopad, studeni i prosinac 2019. godine iznosi 140 083.


Ukupno potrebno sredstava za mjeseci siječanj, veljača, ožujak, travanj, svibanj, lipanj, srpanj i kolovoz 2020. godine iznosi 221 228.

Ukupno potrebnih sredstava: 361 311 KM.

S poštovanjem,


director SMS-e KŠC-a "Ivan Pavao II" Bihać

Dostavljeno:

 - gđin. Zlatko Miletić, izaslanik Doma naroda Parlamentarne skupštine BiH

- a/a